

ձեռամբ անարժանիս ի խնդրոյ տէր Նիկողայոս սրբազան քահանային որ էր սպասաւոր սուրբ Երուսաղէմայ և լուսարար լուսաբուղիս սուրբ գերեզմանին Քի. ի վայելումն անձին իւրոյ զոր տէր Ած. մեր պահեսցէ զինքն անփորձ և անասան կենաւք ամէն.» : Նիկողայոս 1657ին փակակալ կարգուած է նաև Ս. Յակոբի տաճարին (ՄՁ. Թ. 232), հաւանական է որ ինքը նախապէս քահանայ էր և կողակցին շատ կանուխէն մեռնելովը միաբանակցեցաւ Ս. Յակոբի վանքին ու եպիսկոպոսանալով բարձրացաւ լսպ.ի պաշտօնին, յիշուած ձեռագրին յիշատակարանը կը յիշէ հայրը Ղազար, մայրը Մարիամ, մեծ մայրը Զինար և կողակիցը Ալրուն «որ տղայ հասակաւ փոխեցաւ ի Քս.» :

**ՆԻԿՈՂԱՅՈՍ ԵՊՍ. ԱԽՔԵՐՄԱՆՅԻ.** — (Տնկեսրէր գեթիկ ղերանը). 1483ին ուխտաւորութեամբ կ'այցելէ Ս. Երուսաղէմ, և գրի կ'առնէ Ս. Տեղեաց ուխտատեղիները այս խորագրով. «Այս են անօրինակոնաց Ս. Տեղիքն որ է Երուսաղէմ, զոր գրեցից սակաւս ի բազմացն . . . ես ծառայս Աստուծոյ Նիկողայոս եպս. : Նիկողայոս եպս. ի Ս. Տեղեաց ինքնագիր այս ցուցակը 1483ին գրի առնուած է նոյն թուականէն քիչ առաջ գրուած ձեռագրի մը մէջ : Այլշան նոյնը 1896ին հրատարակած է Անաստաս վրդ.ի «Վասն վանօրէից որ ի Ս. Քաղաքն յերուսաղէմ» գլրուածքին հետ, երկուքն ալ գաղղիերէն թարգմանելով և ծանօթագրելով :

Ախքերմանցի այս Նիկողայոս եպս.ին ինքնութիւնը մեզ անյայտ կը մնայ և չէ կարելի նոյնացնել ժամանակակից Անկիւրացի Նիկողայոս կամ Նիկոյասու եպս.ին հետ, որուն գործունէութիւնը աւած է մինչև 1485, և ոչ իսկ Պոլսի առաջին պատրիարք Յովակիմի յաջորդ՝ Նիկողայոս եպս ի հետ որ պաշտօնավարած է 1478—1489 :

**ՆԻԿՈՂԱՅՈՍ ԿՐՕՆԱՒՈՐ, ՊՈՆՏԱՅԻ.** — Զիէ (=1478) թուին Ս. Յակոբի վանքին մէջ կ'սկսի ընդօրինակել Շարախն մը և յիշատակարանին մէջ ալ կը գրէ այս տողերը. «Ի թվ Զիէ (=1478) ի Սուրբ Երուսաղէմ սկսեալ, և ապա եկեալ ի հոչակաւոր մենաստանն որ կոչի Աւագ վանք և անդ փոքր մի ծրեալ. և ապա անտի վասն անին ժանտորարոյ Զիթախին եկաք ի քաղաքս մեր Պաւնտոս ընդ հովանեաւ Սուրբ Ամենափրկչին և Սուրբ